




L'ESSOR

FASO KUMAKAN

SIBIRI
11
CKUTOBURU
1986

S.P. : 24 Tél. : 22-21-04 Bamako (Mali)

Peresidan ka nyogonyew



ZENERALI MUSA TARAWELE NI BERINARI DIMON

An ka politikiton kuntigi ni jamana nyemogé Zenerali Musa TARAWELE ye Faransi ka jekulu do bisimila a ka baarada la jumadon soggoma okutoburu kalo tile 3. Jekulu in (AFVP) ka wale ye ka baarakelaw bila ka na faantan jamanaw deme u ka nyetaa baara la. "AFVP" jekulu in ka baarakelaw be jamana 30 de konô, a kuntigiba Berinari DIMON de bisimilala Peresidan fe. A no-

femogow tun ye Filipi BILAN ye; o tun ye AFVP nyemogé ye Mali la, a san 6 de file bi ye ani Iwu POLARI, o ye AFVP nyemogé kura ye an fe yan.

Nin nyogonye sen fe, Zenerali Musa TARAWELE y'a jira a ka dunanw na ko politikiton ni Mali fangaso b'a seko n'a damajira ke k'u deme u ka walew la, k'u ka baara nogoya Mali konô. A ko jekulu o

jekulu ka waleyaw mana benn malidenw haminanko ma, olu b'o deme; jenko minnu ka baara ye ka cikèbugudaw ka nafasorosiraw yiriwa ani k'u ka dinyelatigé nogoya.

Zenerali Musa TARAWELE ye Filipi BILAN fo a ka jekulu ka wale nyumanw na Mali konô ka nyèsin an ka cikèbugudaw ma. "AFVP" jekulu nyemogé kura min sigira Mali la, Peresidan k'o ma ko Mali fangaso benn a seko ke walasa a ka baara be nogoya cogo min.

O nyogonye temenen kô, Peresidan ye Isimayila KALE bisimila. Jamana horonyalenw ka ton jekulu min sigilen be Mali la, o y'o nyemogé ye. Jekulu in sigira sen kan 1981 san zuluye kalo tile 29 k'a nyemogokulu ke mogé 37 ye. Isimayila KALE tun taallen be Peresidan walenyumandón a ka deme na k'a nyèsin ale ka jekulu ma.

Peresidan ka nin nyogonyew kera Ngolo TARAWELE nyena, o y'a ka baarayoró kuntigi ye, ani Cona Mace KONE, o fana ye Peresidan ka baarayoró mogé ye.

Nténédon okutoburu kalo tile 6 wula fe Zenerali Musa TARAWELE ye Moritani minisiri do bisimila a ka baarada la. Meritani ka ciden Sidi Uludu Shéki ABUDALAHI nalen tun be ni Peresidan Mawuya

Uludu Sidi Amédi TAYA ka cisèbèn do ye.

Zenerali Musa TARAWELE y'a nyininka samiyé lahalaya la a ka jamana kan, bawo Moritani ni Mali benn be géléya kelen konô ja ni sanjidésé ni nténéw ka tinyéni. U ka kuma kera Mali ni Moritani ka siginyogonya nyuman kan ani u ka baarakényogonya ton konô min ye "CEAO" ye. Moritani Peresidan de y'o ton kuntigi ye bi.



ZENERALI MUSA TARAWELE NI ISIMAYILA KALE

Faransi ka deme natama



Faransi lasigiden Faransisi PILATO ni an ka jamana wérèw sirataama minisiri Modibo KEYITA, olu y'u boloné bila démedon sèbèn na, déme min kasabi ye, miliyari kelen ani miliyón 118 ye ktaa Mali ma. Bolonébila in kera sibiriion setanburu kalo tile 27.

Deme in benn nyessin sere yiriwali de ma ani bagamara ni kénèya de ma; a nyessinnen be fana seko ni dònko walew fana ma. Modibo KEYITA y'a jira a ka kuma na ko faransi ka nin lémén in bennnen be Mali ka wale dansiglenw ma cò. A ko jama ni fango n'a politikiton be faransi walenyuandón.

An ka minisiri in y'a jira fana ko faransi be deme o deme ke Mali ma, olu benn tème Mali jama jiminsira fe; ko faransi ka o walew benn ye wale dafalenw de ye, wale nafamaw don fana.

Faransi lasigiden tun be kuma ta ka kon Modibo KEYITA nyé. Faransisi PILATO

ko Mali fangaso n'a ka politikiton mago be min na, ko faransi fana ka deme be ke o walew doron de ye.

O siratigé la, faransi baarakela faamuyalen 300 de be Mali konô; Mali ka kalanden 600 be kallanna faransi. A ko faransi ka deme nyessinnen be nafasorosira eaman ma ami baloko deme.

Bamakò misiriba baaraw

Sefawari miliyón 334 de benn don Bamakò misiriba baara kuraw la, o waridira Makan jamana de fe. Jamana konôko minisiri Abuduramani MAYIGA de ye so ninu birikiden fôlô da sibiridon soggoma, okutoburu kalo tile 4 Mogoba minnu tun be a kénè kan o kera Bala KALE ye misiriba alimani ani misiriba konyenabokulu mogow ani Makan jamana lasigiden.

Makan jamana ni Mali tun benn be nin baara in na kabini misiriba dayelléturna Madina alimami fe 1976 san na. So ninu joli benn

ké sababu ye ka silamèw deme misiriba ladonni musakaw la.


Makan jamana lasigiden y'a jira konin wale in be kë sababu ye ka olu ni Mali ka teriya sinsi Baara in ka kan ka ban kalo 18 konô, a benn kë sankanso fila de ye, min dugumala be kë mangasan 13 ye ani nyogonyekoso ani gafeso. Siso fila be kë a la ani birow.

Makan jamana lasigiden in tilala ka dugawu be Ala ka olu ni Mali ka teriya sinsi, Ala ka silamèw ka balimaya sinsi u ni nyogon cè.

— Peresidan —

Musa TARAWELE

ye san 50 dafa



jòyòrò kan dinyè kunkow nyènabòli la i n'a fò ka bèn nyini jamanaw ni nyogòn cè ani kèlèkèminènw dilabaliya setigijamanaw fe walasa ka kèle bali u ni nyogòn cè, ani fana ka hakililatigè ni lafiya nyini ka nyèsin hadanadonw bée ma.

Peresidan Musa TARAWELE ka kan ni foli ye a ka san bi duurunan kumbèn in na k'a da ka cèsiri kan dinyè kabilaw ka nyogònfaamu siratigè la ani faantan jamanaw ka bolodinyogònma siratigè la. A ka kan ni foli ye fana bawo sango ni waati bée a y'a nyini bée ka dème don jèkuluw la, minnu b'u ka jama na hòronyali kèle la.

Peresidanksa san bi duurunan kumbèn in na, "Faso kumakan" fana b'a ka foli ni tanuli lase a ma. Alla ka si jan ani kènèya d'a ma.

Alamisadon sètanburu tile 25 tun ye Zenerali Musa TARAWELE ka san 50 nan kumbèn ye. O siratigè la; lasigidenw taara foli ani dugawu k'a ye u ka jamanaw tògò la; Palèsitini, Shinuwa jamana Sowiyeti jamana, kòronna Aliman jamana, Alizeri jamana ani Iran jamana.

Zenerali Musa TARAWELE ka kan ni nin bonya ye k'a d's a

— Danyèli Miteran nana Mali la —



Faransi jamanakuntigi furumuso Danyèli MITERAN donna an ka jamanà kònò ntènèndon fajirida fè, ôkutòburu kalo tile 6. An ka jamanà kuntigi furumuso taar'a kumbèn pankulunso la Senu, ale ni minisi ri Dirisa KSYITA ani jamanà wèrèw sira taama minisiri nonabila. Politikitònyèmögò caman fana tun bée kumbèn yòrò in

na. Faransuwa MITERAN furumuso nalen bée tile saba taama na Mali kònò. Danyèli MITERAN ye jèkulù dò sigi sen kan min ka walew nyèsinnen bée faantan jamanaw ma.

O jèkulù in de ye jitonyòròw dilan kado duguw la; Danyèli MITERAN bène taa o baaraw de lajè.

A ka o taama sen fè Mali kònò, Madamu

Musa TARAWELE bén'a mantòn a ni mögòba wèrèw. Kabini a nadon, madamu Danyèli MITERAN taara. Moti mara kònò; a ye kòlon sennew lajè Tile ni Tabagolo. Taratodon a taara Sanga ani Banjagara; o kò a seginna Bama kò wuladanin fè.

Arabadon, Danyèli MITERAN taara Kodi wara laansara waati. Ala k'a nyuman se.

Arabadon sògòma Zenerali Musa TARAWELE ye Gi PENI bisimila a ka baarada la. Ale ye Faransi nyémögòkulu mögò ye, min ka baara nyèsinnen bée Afiriki kunkankow ma. Gi PENI ni Danyèli MITERAN de nana nyogònfe; nka a nana fana ni Faransi jamana kuntigi ka cikan dò ye k'a lase Zenerali Musa TARAWELE ma. Gi PENI ni an ka jamanà kuntigi ka kuma kèra Mali ni Faransi ka nyogònsirataama kan; Faransi Peresidan ka kan ka na taama la Mali kònò nowanburu kalo nata la; o taama in bée labèn cogo min na, u kumar'o kan.

Arabadon sògòma Danyèli MITERAN ye nyogonye dò kè ni jèkuluw ye, minnu ka wale nyèsinnen bée Mali dèmèni ma a ka nyètaasiraw la ni nafasòrsiraw yirivali ye. A bée jekulu minnu nyémögòya la Faransi, a y'olu dantigè u ye, ani u bée se ka nyogòn si rataama cogo min na ka baara kè nyogònfe.

"UNJM" ka bèsèya wale Hamudalayi kaburudo la



Sètanburu kalo ti le 7 don, Mali Den misènw ka Tonba ye Hamudalayi kaburudo

kérò bin shiyen, kènè min bée misiri kura ni kéròn cè. O don kelen na, kilo fila

jòjan kan, u ye jiri 255 turu nbèda kan, min bée tèrè kaburudo kérò in da la, n'a

tògò dalem bée Shèki Zayedì la. Nin walew tun dansigilen bée Denmisènw ka Tonba nyémögò dò ye, ani Abulayi Njavi, n'o ye Bamakò mara Ji ni Kungo Baarada kuntigi ye.

Bamakò denmisènw bòra ka caya; cè fara muso kan, piyonyew ni denmisèn wèrèw, ka kènè fa jama la. Denmisèntò bolo fara minnu bée Bamakò kinw kònò olu bée bòra ka na tu in tigè; bawo bin taari 5 de tun bée ka jiriw bali ka falen.

Min tun ye Mali denmisènw niyòrò baara dò ye saheli kungo kèleli la.